



FONDACIJA
ZA IZDAVAŠTVO
SARAJEVO

Na osnovu člana 8. Statuta Fondacije za izdavaštvo V broj: 541/08, br. 02-147/09, 02-278/09, 04-3-101/2020 i 04-1-2-53/25 i u skladu sa čl. 28. Pravilnika o procedurama i kriterijima Fondacije za izdavaštvo broj: 04-1-3-97/26, Upravni odbor Fondacije za izdavaštvo, na 24. sjednici Upravnog odbora održanoj 13.8.2026.godine
d o n o s i

P O S L O V N I K
o radu žirija za izbor korisnika sredstava za oblast Nova književna djela
domaćih autora

Član 1.

Ovim Poslovnikom o radu žirija za izbor korisnika sredstava za oblast Nova književna djela domaćih autora uređuju se prava i obaveze članova žirija za izbor korisnika sredstava za oblast Nova književna djela domaćih autora. Sastav, imenovanje, mandat i razrješenje članova žirija uređeni su Članom 28. Pravilnika.

Član 2.

Žiri odlučuje u punom sastavu na sjednicama, a sjednice održava prema potrebi. Članovi žirija vode zapisnik sa svih sjednica žirija i evidentiraju bodovanje rukopisa, uključujući obrazloženje dodijeljenih bodova i dostavljaju članovima Upravnog odbora Fondacije.

Sjednice žirija saziva predsjednik žirija.

Član 3.

Svaki član žirija dužan je pročitati sve prispjele rukopise koji zadovoljavaju uslove Konkursa.

Član 4.

Odabir rukopisa vrši se isključivo u skladu s Posebnim kriterijima iz Člana 11. Pravilnika (opći kriteriji se ne primjenjuju na ovu oblast). Žiri ocjenjuje rukopise isključivo na osnovu dodijeljene šifre, bez uvida u ime i prezime autora. Otvaranje koverta s podacima o identitetu autora (koverta br. 2) vrši Komisija za formalno pravnu ispravnost, nakon što žiri završi proces bodovanja.

Član 5.

Žiri je obavezan ocijeniti sve pristigle rukopise i dostaviti bodovnu listu Upravnom odboru.

U slučaju sukoba interesa proisteklog iz članstva u nekom tijelu ili organu, ili ličnim odnosom s nekom osobom ili institucijom, a u vezi sa predmetom rasprave i odlučivanja član žirija obavezan je obavijestiti ostale članove žirija. U slučaju sukoba interesa žiri ne može odlučivati o tom predmetu.

Žiri boduje svaki rukopis prema Posebnim kriterijima iz Člana 11. Pravilnika, a u prijedlog odluke o izboru ulaze rukopisi s najvišim brojem bodova. U slučaju izjednačenog broja bodova, žiri odlučuje glasanjem. Broj izabranih rukopisa određuje se zavisno od kvaliteta rukopisa prispjelih na Konkurs i predviđenih sredstava za stimulacije/nagrade.

Član 6.

Nakon dostavljene bodovne liste i provjere formalno-pravne ispravnosti, Upravni odbor donosi Odluku o izboru korisnika sredstava.

Član 7.

Do objavljivanja rezultata Konkursa imena članova Žirija neće biti objavljena u javnosti.

Član 8.

Predsjednik i članovi žirija će za svoj rad primiti naknadu u skladu sa odlukom Upravnog odbora.

Član 9.

Ovaj poslovnik stupa na snagu danom donošenja.

Broj: 04-1-3-99/26
Sarajevo, 13.8.2026.

PREDSJEDNIK
UPRAVNOG ODBORA

Mario Mikulić